

濡首菩薩无上清淨分衛經

下

七十二
翔八

47303

元祿九年丙子二月日重脩

皇圖

聖

帝

佛日增輝

轉

山城州天安寺法金剛院置



佛說濡首菩薩無上清淨分衛經卷下

辨

宋沙門翔公於南海郡第二譯

時龍首菩薩謂濡首曰去矣族姓子東行分
衛答曰龍首其幻化野馬寧有東西南北方
乎曰吾於仁前尚不能言況敢所說何則然
者以其諸辯從尊所聞仁即應順如法發遣
一一解散而無罣礙故吾無辭莫知所對曰
夫達者都無言取況共乃復有所說乎是者
諸法之無由矣曰何謂為諸法之無答曰龍
首無所無者斯諸法無是諸法要以此之慧
乃能通彼衆音聲耳無所宣布乃為要義是
豈非至要義說哉曰此續在想行也曰何所

行應離諸想答曰龍首菩薩不於色痛想行
識界有想又於法本亦無所行其本無者亦
無所行以是之行得離諸想說是深邃微妙
法時五千菩薩逮致此慧二千天人發菩薩
心時龍首曰吾將退矣以童真非我侶故濡
首報曰吾無去來亦非有侶亦無所俱何則
然者以道無侶故亦不想念與諸法侶又亦
不與欲行爲侶於本無法亦不見而有其侶
復與所俱又本無著都不言有吾我性有人
壽命及身養育法人物言說識覺所倚著及
其所作行趣之事諸法之本本無如此當與
其誰而爲侶俱耶其有侶者是欲侶俱也譬

如龍首有明達人而念言曰如來所化幻士
所化如是此化等一無異化而斯人化各各
言曰吾與汝侶汝與我俱於仁龍首意云何
其此人化爲有侶無荅濡首曰化無侶也所
以者何用化本無無所有無形像不可得故
曰如是龍首於其生死都亦無侶亦無所俱
其有侶俱斯則有別若起侶想是便與欲俱
明達菩薩當解侶想何則然者以其諸法如
幻如化無侶不侶斯哉諸法慌忽無信若夢
影響所有如空想識無安無處無持無意無
念無所有已離諸念於念無念應本無念曰
濡首仁爲曾與幻士化人對共語言行來坐

起又共談會有所思惟不濡首答曰不見也
龍首曰幻士何像貌曰其幻者似人像貌幻
之化像亦復若此合同像耳所以者何如其
幻化亦不彼脫亦不此脫幻化亦不與仁而
異仁亦不與幻化有異仁便幻化如幻化者
以幻化法而問幻事諸法亦余又問濡首仁
為自曾與幻化復共坐起有所言談交遊講
會相對住不曰云何龍首幻士及化與欲有
異耶至於吾我及人壽命養育之法有異乎
吾以此幻化之說欲試問仁知大士於斯有
異辯才當敷何法也曰仁如所試為欲試虛
空之幻化法耳仁便念幻化為有想也幻者

本無無想無念亦無形像亦無所有已離衆
念濡首曰若此龍首法亦如幻幻化本空其
空無像亦不可見曰濡首諸法無像不可見
乎如仁所言一切菩薩摩訶薩等當云何受
其封拜得成無上正真道意為誰知度受封
拜者濡首答曰云何龍首曾行山中為聞響
聲於山中為有響聲出不乎其聲為有所住
處不以何耳識聞其聲耶彼聲為有所說不
寧有受持響聲者耶又復誰共聞響聲者龍
首菩薩答曰無也濡首曰如此若菩薩解諸
法若如響空者則一切諸音聲如響離彼衆
聲其諸菩薩以此封拜於無上正真之道於

斯亦無受封蒞者十方諸來大菩薩衆咸聞
濡首童真所說莫不喜踊歎歌無量

尔時龍首謂濡首曰宜時偕行入城分衛念
其日時得無過耶荅曰龍首諸法無過亦不
有時其處于想行之者彼則有時不時之想
耳明達菩薩於本了無解空法者豈有其時
不時言哉凡諸餘法有時不時無時非時乃
應無上如佛法律矣其在筭數計時節者斯
則有過時之想如諸世尊賢聖子常自飽足
以道智慧慧無想識於想無想行無諸作亦
無想念無念不念以此智慧而常飽足世尊
聖衆都無食念亦不復想有食之事其如此

食而爲食者是謂賢聖應無雜食若永服食
如此食者是則長演甘露法食者彼以此食
用之爲力能住身命至於一劫復過一劫所
以者何其如此者彼已覺了諸法法之行故
都無想念解空清淨曉了如此是不復有求
食之識如其凡夫未達者也又諸如來無上
正覺及普世賢聖之等有大大慈悲喜護之心
惠施仁愛愍念衆生使興於世耳唯欲濟度
五道勤苦故現入郡國縣邑聚落行受分衛
而彼衆聖已離諸食不食於食唯以慧解諸
定正受爲常充足其於離食而續食者斯受
流轉便數生死用是之故諸佛世尊以於諸

食而悉明了都無復雜食之想慷慨喟然安
和住身能如恒沙復過是數從如發意永常
無復諸飢渴雜想念也至在佛樹明星出時
從始所可受食者彼因此食其於正士及大
丈夫英雄龍猛又至師子諸調儒夫及衆華
孚正士秀異種種蓮華男子無上丈夫法御
天人師應所當得應所明了應所覺達悉已
了而具足等於一像合會智慧得成無上正
真道意也以是龍首一切菩薩普諸如來及
賢聖等唯以此食升致無上正真覺道便能
任壽如恒沙劫又能踰此復倍無數而諸如
來永無其勞所以者何以其應於無想食故

無念不念無合不合亦不想念賢聖之行恒
便隨順出諸香氣自然清淨無想無念無諸
穢窟亦無戲行本空自淨如是龍首菩薩摩
訶薩當作此食乃應法食龍首荅曰善哉善
哉輒首所說法之微妙吾已飽足於是上食
但聞此法食之要說便爲已甚具足矣況其
長食無雜食者豈當復食思欲食哉云何龍
首虛空之體寧當有雜食之食又言飽足乎
對曰輒首空無所有也又曰龍首爲能飽足
幻士所化不荅曰不也云何龍首寧可以食
飽足中現像耶荅曰不也又曰龍首夫太
海者寧復飽於衆流乎荅曰不也濡首復曰

如是龍首諸法無厭若如虛空而仁向言有
飽想乎諸法如空無想無願無起無行亦無
所作無所造永然無欲以定以脫無色無像
無堅無固了如虛空都無所持諸法如此云
何而起有飽想耶龍首又曰若是濡首有此
行者一切不復食於食乎而仁說食本空耶
濡首曰若此龍首則一切衆生而無食也譬
如龍首世尊化作恒河沙人以食餒諸化人
云何族姓子彼諸化人以何為食寧復有食
者不乎答曰化者無想不識無所有亦復無
食何況言當有食者耶若此龍首一切諸法
有見無見如幻化也普諸衆生而不解此以

其不解便即流轉受生死矣於中觀之亦無
所有亦無所得亦無流轉解生死無如本無
者則一切無受亦無生死不曉本空便有生
死其生死者亦無生死於其生死亦無所受
亦無所得何生死法者乎荅曰濡首斯言甚
善宜知其時可共行矣還於祇樹給孤獨園
吾諸飢渴永爲已斷荅曰龍首辟如幻士所
可化人而化人言吾飢渴斷寧爲飢野馬法
耶如是龍首一切若此其諸法者皆如野馬
解此乃解而族姓子言吾飢渴以爲斷乎當
食斯食如諸法食不斷無壞亦無飢渴一切
諸法本已飽足何以故彼諸凡夫下士不了

其本則作此言吾飢我渴又言飽足如諸賢
聖解諸法本彼無飢渴亦無想足解諸飢渴
亦無生死亦無戲行亦無想念彼已無動亦
無猗著諸法已脫本無著故龍首又曰如仁
濡首諸所可說彼之要言但說法界也濡首
復謂龍首曰其法界者亦無說不說亦無言
趣無屈無伸所以者何如是龍首法界無所
有言者無說亦不所說亦無戲行無所著無
合偶彼無想念亦不有念亦無所起亦無滅
行譬如龍首虛空之界無想無念無起無滅
諸法亦尔同如虛空其本相空本不可得亦
不可知其相如是亦不可得有能得其相彼

諸如來般泥洹者亦當可得若此龍首一切
諸法都無處所無色無像亦不可見以是之
故恒河沙諸如來般泥洹者其於法中亦復
無般泥洹者亦無地水火風界而般泥洹亦
無空界亦無識界般泥洹者泥洹如是於泥
洹中亦無泥洹若諸法有泥洹想者則虛空界

有泥洹想耶所以者何以其諸法本定而空
諸法靜寂而復寂於此凡夫下士之類起有
泥洹想念者因便有吾言我有受有吾我受
有壽命受有人物受有想識共來解真無法
者即起是想想念泥洹以此故而不得脫便
生老病死取要言之十二因緣至於大苦衆

患集會爲彼之故言有泥洹爲諸有二想行者以其不解諸法本無已不曉了不覺悟故興諸如來諸佛世尊明解深入權行菩薩宿樹衆善立不退轉積累功德有大威神爲極唱導無上大師與如是等菩薩摩訶薩行而違反起有諍想又與聲聞緣覺之衆與其違而起忿諍與彼諍故當受大罪以其諍故長流生死當歸不淨極臭處矣一切衆聖永所不歎諸上明達所可遠離辟如族姓子有城郭若復聚落去其不遠積衆臭穢於其彼處人衆趣徃晝夜不息遂增汙穢不淨臭處不潔之物也諸愚凡夫處于五道起滅無竟衆

想無斷廣其生死如彼增臭也以其不明又不曉了不解其無不達本無霧籠茂盛癡冥積故廣受流轉增長生死五道之趣或生地獄或即餓鬼復歸畜生或天或人神變無常五道勤苦災患顛倒痛癢瘡楚衆惱之元諸苦所由遂增臭穢流不淨氣使彼明達賢聖之衆乃以爲滅所共貪疾又諸慧士所可遠離用是雜垢長不解脫復使斯類是趣其生是歸有老生老苦極憂惱万端是致病死殃禍追之善則榮樂福祐惡則禍隨以要言之患變猛集至甚痛熱衆苦合會而彼以故不脫生死但由未了其本無故長受生死如其

增臭也龍首復謂濡首曰云何濡首得了其
本曰以無心想以寂漠行以趣靜定向入清
淨其住是者則曉其本曰云何濡首何謂爲
幻之寂漠曰其解了如幻者此則幻之寂漠
清淨也尔時耆年須菩提至濡首所覩其大
衆即而問曰諸正士等普來會此爲何講乎
荅曰賢者吾於諸言都無所說又賢者寧聞
諸幻人有所說不山中之響夢影野馬爲有
言談耶復聞有其說者不乎又賢者如來所
化寧有耳聲其聲復有聞者不爲有識若受
持語言名字句說者不荅曰不也時須菩提
燿然於所坐恍忽之間寂而滅定時舍利弗

詣濡首所覩其普衆大會之場率多菩薩咸
聽濡首所講之說見須菩提在于彼坐寂而
滅定問濡首曰此賢者爲何志故居斯便滅
定曰舍利弗是須菩提雖滅定不與法而有
其諍如是賢者此以無諍行無住無著無標
無處過諸窟法而三摩越時須菩提作是滅
定從定寤起而向世尊即偏袒右肩叉手跪作
是言自歸諸佛無上覺者其有顯演如是深
邃微妙法像難見之文不可議說已斷所著
等離諸想已得寂安其不退轉大士等及諸
初發意菩薩建聞如此勸發之說豈不快哉
濡首又謂須菩提曰不於此法有說有勸有

彼所向也何則然者以諸法無勸無說無談
無識又此要義無言無語無住無勸無去無
來無坐無卧無猗無處亦無所有所以者何
是諸法本空無所有其本不可得故曰何謂
濡首其本行法曰惟賢者諸法無行是行之
要當作是行曉行是行乃爲至行也若此可
共都行求食曰濡首吾不復入於聚落分衛
所以者何逮聞是要已離聚落亦離城想亦
離色想以要言之亦離聲香味細滑法想都
離諸想而無想念曰唯須菩提如此離其想
行者所是云何而進止乎云何濡首何謂如
來所化色痛想行識以何識法如來所現化

化以何想而有進止有所瞻視復有屈伸乎
曰善哉善哉須菩提如世尊所歎仁爲最曉
空閑行者濡首又曰唯須菩提可共詣佛禮
事供養濡首重曰唯賢者吾以清淨食而請
於仁時舍利弗謂濡首曰於何處所與吾等
食爲當施設何等之食曰唯賢者其所食者
亦不有食亦不吞食又所吞食亦不色聲亦
不香味亦不細滑其所食處不在欲界又不
色界亦不無色不處三界亦不離其中是則
諸佛出世尊食處舍利弗謂濡首曰善哉善哉
如仁所說吾已飽足於時是無上食嘆之名
況其已食如此食者曰唯賢者其食不以肉

眼內外見亦不天眼亦不慧眼處有所見其
食如此乃應等食也尔時耆年須菩提及舍
利弗并諸衆生聞是歎食之說即於其處寂
而滅定時妙心謂濡首菩薩曰當以何食食
須菩提舍利弗等爲以何食而三摩越曰以
無漏食行無猗著食行無衆食以此行而行
其作此食者不復於三界食於食也尔時賢
者須菩提舍利弗從滅定寤各行分衛時須
菩提入大長者家分衛其長者婦爲優婆夷
見須菩提默然而住即謂賢者爲何之乎荅
曰姊來求分衛曰賢者仁續分衛想未止了
耶曰姊吾從本際已了分衛想曰須菩提其

本際寧有了未了言從本際已了分衛想乎
曰姊如本際空末際亦空悉如本空優婆夷
曰若此賢者已悉空者奚爲復說了不了乎
仁便伸手當施卿分衛須菩提即自伸手曰
賢者是爲羅漢不了其本反取滅證者乎非須
菩提曰姊羅漢手無形不可見亦無屈伸辟
如幻士爲幻化人作此言何所是幻者手乎
復言可伸幻者手耶曰姊幻手爲可見不又
可伸乎荅曰不也須菩提曰若此姊世尊說
一切諸法如幻本空若是賢者世尊說一切
空何爲賢者續求食時優婆夷未尋與須菩
提分衛重曰賢者可前鉢適當前鉢鉢忽然

不現時優婆夷以手索鉢鉢而無處手亦不
近於湏菩提優婆夷曰善哉善哉此則無著
清淨之身應佛所歎空閑行者優婆夷適作
是言鉢即自出時湏菩提便前授鉢優婆夷
取鉢盛滿飯授湏菩提便謂之言賢者是為
釋迦文佛所稱嘆處閑居第一者鉢非曰姊
如佛所說空閑行者非有鉢矣曰如賢者空
閑行者非有鉢耶曰姊無也曰又賢者閑居
尚無鉢豈當復有受食緣乎曰賢者已記閑
居亦當無羅漢取滅證耶又賢者食此飯已
當了知食者如幻所食如化又如化人食於
幻者亦當如以野馬飲於渴者其食所食當

了如此明解是者乃應如來達三世本無分
衛之行也若賢者其起施念有想受者便造
有衆分數也已受數者則有二見以有二見
便與凡夫流轉五道生死同歸也時優婆夷
復謂湏菩提又如賢者諸佛要法不但受食
及與施者當應了如幻如化為本無為無有
至於生死與涅槃法亦當曉了如夢幻化野
馬影響自如如本無於諸法亦悉當尔諸法清
淨都無所有無施無受無戒無犯無忍無諍
無進無懈無定無亂無慧無愚於一切法都
無所有是行乃應世尊如法受食弟子行法
其如此解分衛行者則於三界無雜食之想

亦復不處泥洹之樂也。須菩提聞優婆夷所說，即寂寞不知所言。曰：賢者，泥洹爲寂耶？豈無言而不對乎？曰：姊，斯何言？乃如此。須菩提曰：姊，了幻法耶？荅曰：賢者，吾了諸法，悉如幻化。幻者及化，亦皆本無。無所有時，須菩提便於所處，忽而滅定，欲知優婆夷志，求何乘以爲其證。勇辯乃尔，敢師子吼。明解幻法所說，自恣而無罣礙，盡力觀察。處優婆夷爲阿那含。曰：姊，已得阿那含乎？優婆夷曰：云何？賢者如來法本寧有阿那含行法乎？又賢者法無形色，亦復無求想像之跡。無彼此識，無中間行，亦無所想，無取，無證，亦無處所。乃爲明了。

道之行耳向賢者云何處阿那含畢樂羅漢
證法乎又賢者法無去來其有去來有所趣
向有所有趣有起有滅有念有想皆墮凡夫
流轉未解數也是時優婆夷忽於所處於須
菩提前化于高廣大人交露之座普現感動
光明相像顯轉無上阿惟越致法輪令普舍
衛境界之內及十方土莫不聞見此之所興
感變也尔時空中万二千天聞彼所說悉逮
一生補處舍衛國內志菩薩行者二万八千
人承宿衆德皆得不退轉十方之衆諸來大
士其間是說百億菩薩本得無從生法忍復
聞是上要說即皆逮一生補處於是輒首龍

首菩薩并諸大士並日來之眾及舍利弗須菩
提等俱從舍衛國南出城門燿然輕舉忽升
虛空輒首菩薩尋揚身光威神焯焯照耀暉
曄明影瓌瓌踰于日月普蔽餘光眇然晃晃
乃徹窈冥如金翅王飛而行焉一切眾生莫
不見者其所經由彼眾天人皆聞諸法如夢
幻化野馬影響泡沫芭蕉之樹要言深邃像
說各懷歡喜慈心相向一切天人但聞夢幻
聲而化幻法於見無見亦不可得諸逮聞是
像微妙說者合百千眾得不退轉時所經遊
於其中間有長者子其名善善意宿立德本亦
聞輒首無上幻化之要說言并復覩見神景

變化即發無上正直道意尋自誓願吾於來
世得爲如來無上平等最正覺道時所現感
動亦當如是輒首見彼族姓子有決清妙竒
疑之質欲紹佛種乃發大志心存菩薩口詠
誓願聲暢一切如師子吼即請善意而告之曰
族姓子女解諸法如幻化者必離勞乘聲聞
緣覺之地也便當成致無上正直道意又當
曉了諸法夢幻之妙法說悉爲無所有時長
者子跪而對曰蒙解諸法如幻如化輒首重
以諸法要言勸發長者子長者子忻樂之心
遂而踊躍時彼大姓心巨曠解逮致法忍八
千天人發無上正直道意時五千天子在于

虛空聞輒首勸進之說炬然心解逮得無從
生法樂之忍咸悉肅然恭敬之至已禮輒首
忽昇虛空各還本土是時輒首龍首菩薩舍
利弗須菩提等還于祇樹給孤獨園俱詣世
尊稽首佛足却坐一面龍首菩薩便從座起
向佛叉手已輒首童真諸所講談法要之說
具啓世尊時佛讚曰善哉善哉輒首童真善
說諸法無上微妙如夢如幻如化野馬影響
之聲則是諸慧深奧之至是諸佛要斯乃應
如無形無像本無幻說時佛願告賢者阿難
受是輒首諸法要文阿難敬前長跪白佛唯
然世尊如教受之當何名此經云何奉持時

佛重復敷演輒首妙心菩薩等所說慧要及
舍衛國長者優婆夷爲須菩提所現感動乃至
轉一生補處之輪佛復告阿難當受是上要
之慧又是賢者此名輒首無上清淨分衛經
亦名決了諸法如幻如化三昧勤念受持當
廣宣傳普布演說又是阿難若善男子善女
人等聞斯要專心信向是者阿難則應面見
諸佛世尊又爲輒首童真菩薩必所感致無
上正真之道會成至佛況其受持誦習諷讀
奉行應者德極無上是善男子善女人等爲
逮諸佛之慧藏爲得諸佛最上要鎮又爲諸
佛之所擁護普爲十方諸現在佛所授封蒞

諸佛為手授其決當成無上正直真道意佛說
是已輒首童真龍首妙心及諸菩薩舍利弗
須菩提等及眾比丘一切會者諸天龍神阿
須倫人與非人聞佛所說莫不歡喜前為佛作
禮而退

佛說輒首菩薩經卷下

翔

慌忽

正作恍忽音忽

恍惚上廣往反下

之象反下

封蒞

下并列反

別云受記

也竿數

上算

慨慷

上明反凡云慷慨

即竭誠之

反

反

反

謂也

是心也蓋

古愛反

喟然

上口位反

反

華孚

下芳

踰

音俞越也

餒

紆瑞反

無伸

下音

痛痒

下音養亦作癢

瘡楚

上亦

三摩越

第四禪

盛滿

上音成

焯焯

上音我

鬼反

曄曄

上音干

鬼反

璫

正作光

燦

若蔽

必祭

晃晃

上音胡

廣反

下音余

窈窕

小也

反

正作

杳

金翅

下音施

鳥名

泡沫

拖未

音奇

疑

下宜力

反幼

輓首菩薩無上清淨分衛經下卷

翔





六

188